



Per e-mail

A las adressatas ed als adressats
tenor la glista da distribuziun

Cuira, ils 9 da schaner 2024

Relasch d'ina Lescha davart la promoziun e la finanziaziun da mesiras per la protecziun dal clima e per l'adattaziun al clima en il Grischun (Lescha davart il fond per il clima, LCCLima)

Invitaziun a la consultaziun

Stimadas dunnas e stimads signurs

Cun l'incumbensa Wilhelm «Green Deal per il Grischun: nizzegiar la protecziun dal clima sco schanza» è la Regenza vegnida incumbensada l'onn 2019 da preschentar in plan d'acziun cumplexiv che cumpiglia mesiras concretas ed efficacias a favur da la protecziun dal clima e da l'adattaziun al clima sco er lur finanziaziun. Ultra da quai ha l'incumbensa pretendì da preschentar las adattaziuns necessarias da las basas legalas che resultan dal plan d'acziun. La finamira da l'incumbensa è quella da s'occupar effectivamain e cun gronda prioritad temporal da la reducziun da las emissions da gas cun effect da serra e da l'adattaziun a las midadas dal clima, perquai che la midada dal clima cuntinuanta è er bain visibla e perceptibla en il Grischun.

A chaschun da la sessiun d'october 2021 ha il Cussegl grond approvà l'emprima etapa dal plan d'acziun, uschia che las mesiras ch'eran prontas da vegnir realisadas (q.v.d. mesiras senza basegn d'adattaziun da las basas legalas, ma fin ussa senza avunda meds finanziaals) han pudì cumenzar. A medem temp è vegnidas elavuradas las basas giuridicas per las ulteriuras mesiras e la finanziaziun da talas tenor l'incumbensa Wilhelm. Ultra da quai ha il Cussegl grond acceptà ulteriuras incumbensas che pertutgan l'elavuraziun resp. l'adattaziun da las basas legalas correspondentas (tranter auter l'incumbensa Horrer concernent in'offensiva solara per il Grischun e l'incumbensa Wilhelm concernent l'eliminaziun svelta dals obstachels regulatorics dal program da promoziun en il sector d'indrizz da producir chalur).

Questa Lescha davart il fond per il clima e las midadas da las ulteriuras leschas existentas realiseschan questas incumbensas e furman la segunda etappa dal plan d'acziun «Green Deal per il Grischun». Cun stgaffir ina nova finanziaziun speziala «fond grischun per il clima» èsi pussaivel da promover e da finanziair flexiblmain las mesiras necessarias da la protecziun dal clima e da l'adattaziun al clima. Il project focussescha sin voluntariadad e sin la promoziun da mesiras. El n'introducescha nagins cumonds u scumonds per cuntanscher la finamira da «netto nulla emissiuns da gas cun effect da serra» fin l'onn 2050. Las mesiras da promoziun èn d'ina vart cuntegnidas en las legislaziuns spezialas existentas revedidas per part en il rom dal project. Da l'autra vart etablescha la Lescha davart il fond per il clima «agens» causals da promoziun che focusseschan sin las finamiras da la protecziun dal clima e da l'adattaziun al clima. Ultra da quai surpiglia il chantun ina funcziun d'exempel e s'oblighescha da cuntanscher netto nulla emissiuns per l'administraziun chantunala fin l'onn 2040. Er las vischnancas vegnan envidadas da prender en mira questa finamira per lur administraziuns centralas, sche lur resursas pussibiliteschan quai.

En il project vegnan resguardads ulteriurs champs tematics ch'èn vegnids tractads en la debatta parlamentara davart l'emprima etappa dal Plan d'acziun Green Deal durant la sessiun d'october 2021. En spezial èn quai la promoziun da projects en ils secturs da l'idrogen e da la construcziun cun lain.

La Regenza ha incumbensà il Departament d'educaziun, cultura e protecziun da l'ambient da realisar la procedura da consultaziun.


Ils documents da consultaziun chattais Vus sin la pagina d'internet dal chantun Grischun sut www.gr.ch → Rumantsch → Publicaziuns → Consultaziuns → Consultaziuns currentas.

Nus As envidain d'inoltrar Vossa posiziun fin ils 10 d'avrigl 2024 sur il questunari online <https://gr.e-mitwirkung.ch/rm/klimafondsgesetz> al Departament d'educaziun, cultura e protecziun da l'ambient.

Per infurmaziuns As stat gugent a disposiziun l'Uffizi per la natira e l'ambient per e-mail (greendeal@anu.gr.ch).

Per Voss interess e per Vossa cooperaziun As engraziain nus ordavant zunt fitg.

Salids amicabels



Dr. Jon Domenic Parolini
president da la regenza

Adressatas ed adressats da la consultaziun:

- Telefericas dal Grischun
- BirdLife
- Uniun purila grischuna
- Uniun grischuna d'artisanadi e mastergn
- Associaziun grischuna per il svilup dal territori (AGS)
- Incumbensà per la protecziun da datas dal chantun Grischun
- Departaments da l'administraziun chantunala e Chanzlia chantunala
- scola auta spezialisada dal Grischun (SASGR)
- Controlla da finanzas
- GastroGrischun
- Sindicat da las medias e da la communicaziun (syndicom)
- Grischun vacanzas
- Chombra da commerzi ed associaziun dals patruns dal Grischun
- Associaziun grischuna da las proprietarias e dals proprietaris da chasas
- HotellerieSuisse
- Cuminanza d'interess dal traffic public da la Svizra orientala
- Cassa da pensiun chantunala dal Grischun
- Associaziun grischuna da las locatarias e dals locataris
- Mountain Wilderness
- scola auta da pedagogia dal Grischun (SAPGR)
- Vischnancas politicas e regiuns
- Partidas politicas e partidas giuvnas
- Pro Viafier
- Pro Natura
- Pro Velo dal Grischun
- Servetschs psichiatric dal Grischun (SPGR)
- Organisaziuns turisticas regionalas OTReg
- Fundaziun svizra per la protecziun da la cuntrada
- Consorzi tariffars (Arcobaleno, Ostwind, BÜGA, TransReno, EngadinMobil, TVDK)
- Touring Club da la Svizra
- Interpresas da transport dal traffic public en il chantun Grischun (VR, Chur Bus SA, AutoDaPosta Grischun)
- Interpresas da transport dal traffic public en Svizra (VFF, SOB, Turbo)
- Federaziun grischuna da l'industria da betun e da gera (FGBG)
- Associaziun Traffic ed Ambient
- Dretgira administrativa
- Forum economic dal Grischun
- WWF